

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De secundo

[urn:nbn:de:bsz:31-122776](#)

II. Officii dignitas, quod duplex h̄c describitur

1. Sacerdotale, quo alludit angelus nomine JESU. JESUS enim Salvatorem significat, Matth. i. v. 21. hoc officium fideliter administravit, dum se ipsum Patri obtulit in odorem bona fragrantiae, Ephes. 5. vers. 2. & unica illā oblatione consummavit justificandos in æternum, Ebr. 10. v. 12. 14. quin etiam adhuc hodie pro nobis apud Patrem intercedit, quando Satanas accusat nos, 1. Joh. 2. v. 1. Apoc. 12. v. 10. Roman. 8. v. 43.

2. Regale. Hoc consistit in gubernatione Ecclesiæ, & super omnes se extendit, qui fidei Jacob sunt, Roman. 9. vers. 8. non est de hoc mundo, Joh. 18. v. 36. Errant igitur Judæi, quando tales Messiam præstolantur, qui more terrenorum Monarcharum dominatus sit in mundo. Ita non describitur Messias in sacris literis, sed tanquam Rex pauper, Zachar. 9. vers. 9. contentu, ignominia, plagi, verberibus, vulneribus, morte, crucifixione multandus, cruciandus, occidendum, sepelendus, Esa. 53. vers. 3. Ps. 22. vers. 17. 18. Dan. 9. vers. 26. zach. 12. vers. 10. hinc cum populus ipsum in Regem vellet eligere, fugit in montem, Joh. 6. v. 15. quia venerat ministriare, non ministrari, Matth. 20. v. 28. interim Rex est spiritualis, qui Ecclesiam defendit contra omnes portas inferorum, Matth. 16. v. 18.

De Secundo.

Vidimus legationem, videbimus etiam acceptationem, ubi tria potissimum consideranda occurunt:

I. Maria percontatio. Nam quomodo erit istud, inquit, quoniam virum non

cognovi. Sed quomodo illud non procedit ex incredulitate, ut Nicodemus hoc ipso articulo de regeneratione impugnabat, Joha. 3. vers. 4. sed ex docilitate, ut voluntatem Dei plenius cognosceret, & fidem suam confirmaret. Hoc exemplum nos quoque imitari debemus, quando ex ore angelii, id est, pastoris nostri aliquid audiimus, quod non intelligimus, ut queramus, quomodo res se habeat, cum Berhoënsibus, Acto. 17. versic. 11. & si fundamentum habet in sacris literis, non vocemus in dubium, aut planè inficiemur, quamvis ratione penetrare non possumus, sed Deo cum Abraham gloriam demus, & simpliciter credamus. Beati enim qui non vident, & tamen credunt, Johan. 20. vers. 29.

II. Angelica declaratio, quā

I. Modum explicat. Nam Spiritus Sanctus, inquit, superveniet in te, & virtus altissimi obumbrabit tibi, quapropter & quod nasceretur ex te sanctum, vocabitur filius DEI. Ubi tria potissimum consideratione digna sunt. Denominatur enim

I. Causa principalis, quæ est Spiritus Sanctus. Quamvis enim incarnatione certo modo sit opus SS. Trinitatis, sicut hoc loco mentio sit altissimi, id est, Dei Patris, itemque virtutis altissimi, id est Filii, qui vocatur Dei virtus, 1. Corinth. 1. v. 24. & Spiritus Sanctus, tamen peculiari ratione Spiritui Sancto tribuitur, qui est Spiritus sanctificationis, Rom. 1. v. 4. & guttulas sanguinis in Maria virginē ita sanctificavit, ut fructus ventris ejus esset sanctus, impollutus, à peccatoribus segregatus, Ebr. 7. v. 26.

2. Modus Supernaturalis, qui exprimitur

1. *Per Superventionem.* Primum hominem formavit Deus ex limo terræ, Ewan ex costa mariti, postea instituit conjugium per quod genus humanum propagaretur, sed in hac conceptione erat novum, Ier. 31. v. 22. ut ex Spir. S. operatione Maria concipiatur, unde quod in ea natum est, de Sp. S. esse dicitur, Matth. 1. v. 20. Oremus igitur Spiritum S. ut in nos quoque veniat, & cornovum in nobis creat, Psalm. 51. vers. 12. tunc fœundi erimus in bonis operibus, Col. 1. vers. 10.

2. *Per inumbrationem.* Virtus altissimi, inquit angelus, obumbrabit tibi. In græco est verbum ἐπιοντας, quod Exod. 40. v. 34. de nube, quæ obumbravit tabernaculum fœderis, & Num. 9. v. 16. de columna nubis in deserto usurpatum. Quemadmodum igitur Deus in V. T. non apparuit in nuda sua maiestate, sed in nube quæ fuit in star cuiusdam umbraculi, sine quo Israelitæ prætentiam ipsius ferre non potuissent: Ita virtus altissimi obumbravit Mariam, id est, Filius Dei, qui est virtus altissimi, ueste humani corporis se induit, ut gloria divinæ maiestatis hæc nube quasi intercipetur, Deum enim in sua maiestate nemo videre potest, Exod. 33. vers. 20. Quando igitur de conceptione Christi cogitamus aut disputamus, semper intra cancellos S. Scripturæ nos contineamus, & meminerimus, nubem esse interpositam, quam perrumpere non licet. Scrutator enim maiestatis opprimetur à gloria, Prov. 25. v. 27.

Præbet etiam nobis insignem consolatiōnem. Deus est ignis consumens, Deut. 4. v. 24. Ebr. 12. v. 29. sed filius Dei incarnatus præstat nobis umbraculum, ne ab igne iræ divinæ absumamur. Primi nostri parentes post commissum peccatum sub arboribus

fæse abscondebant, sed non poterant occulti, Deus illos prostravit, Gen. 3. v. 8. seqq. qui ab igne iræ divinæ se abscondere cupit, ad hoc umbraculum confugiat, sub eo tutus esse poterit, Christus enim à futura ira nos liberavit, 1. Thessal. 1. v. 10.

3. *Effectus singularis,* de quo Angelus: Sanctum quod extenascetur, filius Dei vocabitur. Quia enim super Mariam venit Spiritus Sanctus. & illam obumbravit altissimi virtus, hinc peccati propagatio impedita & quod natum est ex Maria vere & vel sanctum fuit, ut quidem ab angelo vocatur.

Hoc nostri causâ factum est. Omnes post lapsum in peccatis concipimur, Psalm. 51. vers. 7. & caro de carne nascimur, Iohann. 3. v. 6. sed ab hac conceptionis nostræ impuritate liberavit nos Christus altissimus sua conceptione, quia per eam nobis promeruit, ne peccatum originale, in quo concipimur, nobis imputetur, Rom. 8. vers. 1.

II. *Dicta corroborat.* Quia enim res erat magni momenti, cuius exemplum in tota rerum natura hactenus nullum extiterat, duplice argumento confirmat angelus, quod jam dixerat:

1. *Exempli evidentiā.* Atque ecce, inquit, Elisabeth cognata tua & ipsa concepit filium in senectute sua, & hic mensis sextus est illi, quæ dicebatur sterilis, quasi dicat, Si Elisabetha sterilis hactenus in senectute sua concepit ex Dei dispositione, quidni tu quoque conciperes per Spiritus Sancti operationem, qui ad naturam non est alligatus, sed ut & ex se facere potest, ultra id quod petimus & intelligimus, Eph. 3. v. 20.

Ex hoc exemplo liquet, quantum possit bene-

benedictio : Sicut enim habet clavem cœli , Deut. 28. vers. 8. Mal. 3. vers. 10. & clavem sepulchrorum , Ezech. 37. v. 12. ita etiam habet clavem uteri materni , & potest claudere, potest etiam aperire, quando ipsi visum est , ut docent exempla Saræ, Gen. 16. v. 2. 21. vers. 2. 3. Rebeccæ , Gen. 25. vers. 21. Rachelis , Gen. 30. vers. 22. Hannæ , 1. Sam. 1. vers. 2. 20. hinc depraedatur Psalm. 115. vers. 9. quod sit Dominus , qui sterilem faciat habitare in domo matrem filiorum letantem . Nam Domini hereditas filii , merces fructus ventris , Psal. 127. vers. 3.

2. *Dei omnipotentiā.* Apud Deum non impossibile erit omne verbum . Confirmatur dictis , Gen. 17. v. 1. Ier. 32. vers. 17. Zach. 8. v. 6.

Quia fronte igitur disputat Petrus Martyr : Nulla vi fieri posse , ut res creata sit ubique. Et Mompelgardenes : Deum efficere non posse , ut corpus Christi uno eodemque tempore pluribus locis essentia-
liter praesens sit ? Apud Deum non est impossibile ullum verbum . Quicquid ergo promittit in verbo , præstare potest , etiam si nobis propter apparentem contradictionem impossibile videatur . Non enim est sicut homo Num. 23. vers. 19. sed quicquid vult potest in cœlo & in terra , Ps. 135. vers. 6.

3. *Eventus designatio.* Subjungit Evangelista . Maria autem dixit : Ecce ancilla Domini , fiat mihi secundum verbum tuum .

Præbet nobis hoc epiphonemate .

1. *Exemplum humilitatis.* Audiverat ex angelo , quod mater filii Deifutura esset. At summa ista dignitate non insolevit , sed ad pedes Domini se humillimè projicit , &

ecce , inquit , ancilla Domini . Ita non superbiamus propter dona nobis collata , sed in humilitate ambulemus . Nam superbis Deus resistit , humilibus vero dat gratiam , 1. Pet. 5. v. 5.

Dictum hoc in primis sibi putent matronæ & virgines hodiernae , quas præ alii superbia lepra , ex avia sua contagio ita occupavit , ut in prosapia , divitiis , pulchritudine , &c. nimis confidant , & si quando pronubus Angelus Gabriel honestas matrimoni conditiones ipsis offerat , contemnunt omnia alto supercilium , ibi non est , qui ipsis pati aut idoneus videatur , vix invenias , quæ cum Maria dicat : Ecce ancilla Domini : fiat mihi secundum verbum tuum : Sed hoc ipso Dei vindictam sibi attrahunt , ut postea vel innuptæ moriantur : vel tales sortiantur viros , qui verberibus ipsas probè excipiunt , aut bonis dilapidatis in militiam abeunt , ut exempla testantur . Nam superbia præcedit ruinam , Prov. 16. vers. 18.

2. *Exemplum fidelitatis.* Non disputat cum Angelo , sed piâ simplicitate in verbis ejus acquiescit , & hoc unum ingeminat : Fiat mihi secundum verbum tuum . Acquiescamus & nos in verbis Domini , & citra scrupulosas rationis nostræ sophisticationes pia simplicitate , quod in verbo suo Deus nobis credendum proponit & præcipit , credamus . Nam animalis homo non percipit ea quæ sunt Spiritus Dei , 1. Cor. 2. vers. 14. fide autem penetramus cœlorum secreta & fidei mysteria , licet in ænigmate , quo contenti esse debemus , dum cessabit quod ex parte est , & perfectum succeder . 1. Cor. 13. vers. 10. ad quam perfectionem nos deducat Christus Jesus , Amen .

Yy 3

In Die